



GIG  
CYMRU  
NHS  
WALES

Addysg a Gwella Iechyd  
Cymru (AaGIC)  
Health Education and  
Improvement Wales (HEIW)



# **RHAGLEN RHEOLAETH GYFFREDINOL GIG CYMRU AR GYFER GRADDEDIGION**

## **PROFFIL LLWYDDIANT**

Byddwn yn defnyddio **Proffiliau Llwyddiant** i asesu'ch cais



Bydd y Rhaglen Rheolaeth Gyffredinol ar gyfer Graddedigion Cymru Gyfan yn cefnogi'r uchelgais y bydd arweinwyr yn y system iechyd a gofal cymdeithasol yn arddangos arweinyddiaeth gyfunol a thosturiol erbyn 2030. Bydd y rhaglen yn helpu i greu'r diwylliant arweinyddiaeth sydd ei angen ar ein sefydliadau i ffynnu, yn seiliedig ar y saith ymddygiad sy'n cefnogi ac yn arwain gwasanaethau cyhoeddus Cymru ac yn cael eu defnyddio fel fframwaith i fod yn sail i'n hasesiad ymddygiadol ar gyfer graddedigion.

Mae Proffiliau Llwyddiant yn rhoi darlun cyfannol o ddarpar ymgeiswyr drwy asesu ymddygiadau, cryfderau a galluoedd. Mae hyn yn ein helpu i ragweld sut gallech berfformio yn y rôl drwy'r gwahanol gamau recriwtio er mwyn cael darlun cywir o'ch addasrwydd ar gyfer y rôl.

Cyn gwneud cais am y rôl, mae'n bwysig eich bod wedi darllen manyleb y swydd a'r person yn drylwyr er mwyn deall y gofynion allweddol, gan fyfyrto ar eich cryfderau personol a'ch ffyrdd o weithio. Er bod profiad gwaith yn ddymunol, nid yw'n hanfodol. Meddyliwch am yr holl weithgareddau rydych chi wedi'u gwneud fel profiad gwaith, gwirfoddoli, prifysgol a hobïau.

| YMDDYGIADAU                                                                                                                                                                                                                                                                                                                                                                                                                                                                                                                                                                                                 | CRYFDERAU                                                                                                                                                                                                                                                                                                                                                                                                                                                                                                                                                                                                                                                                                                                                      | GALLU                                                                                                                                                                                                                                                                                                                                                                                                                    |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>Yn dibynnu ar y math o asesiad, er enghraifft, y ffurflen gais neu'r cyfweiliad, efallai y gofynnir i chi roi enghreifftiau o adegau pan rydych wedi dangos ymddygiad penodol. Gallai hyn fod yn y gwaith neu mewn cyd-destun arall, fel profiad gwaith, gwaith grŵp yn y brifysgol, gwirfoddoli, neu mewn cysylltiad â hobi.</p> <p>Fel arall, efallai y gofynnir i chi sut y byddech yn ymddwyn mewn sefyllfa benodol, er enghraifft, gan ddefnyddio prawf Barnu Sefyllfa. Efallai y gofynnir i chi hefyd ddangos ymddygiad mewn amser real, er enghraifft mewn asesiad strwythuredig o ymddygiad.</p> | <p>Bydd asesu eich cryfderau yn ein helpu i ddeall a ydych chi, y sefydliad a'r swydd yn cyd-fynd yn dda drwy edrych ar yr hyn rydych chi'n mwynhau ei wneud, beth rydych chi'n ei wneud yn dda a pha mor aml. Bydd hyn yn sicrhau eich bod yn debygol o fwynhau'r rôl ac yn perfformio'n dda.</p> <p>Mae tair elfen sy'n pennu a yw rhywbeth yn gryfder:</p> <ul style="list-style-type: none"> <li><b>Perfformiad:</b> gallwch gyflawni gweithgaredd/ymddygiad i lefel uchel o gymhwysedd neu hyfedredd</li> <li><b>Ymgysylltiad:</b> rydych chi'n teimlo'n frwdfrydig, yn llawn cymhelliant ac yn grymus wrth wneud y gweithgaredd</li> <li><b>Ymarfer:</b> rydych chi'n gwneud y gweithgaredd yn rheolaidd ac mor aml â phosibl</li> </ul> | <p>Bydd asesu eich gallu yn ein helpu i ddeall sut gallech berfformio yn y dyfodol a'ch addasrwydd i'r math o waith y gallech ei wneud.</p> <p>Fel ymgeisydd ar gyfer ein rhaglen graddedigion, efallai bod gennych brofiad gwaith cyfyngedig, ond byddem yn chwilio am enghreifftiau o bethau rydych wedi'u cwblhau, yn cynnwys gwybodaeth a dealltwriaeth o GIG Cymru a'r gofynion o weithio yn yr amgylchedd yma.</p> |

*Gall asesiadau gynnwys ffurflen gais, cyfweiliad, canolfan asesu, prawf cryfder sefyllfaol, prawf seicometrig, ymarferion grŵp, a dadansoddiad ysgrifenedig neu brofion.*

*Mae GIG Cymru yn ymdrechu i ddarparu gweithle amrywiol a chynhwysol ac rydym am i chi ddangos eich llawn botensial; pa fath bynnag o asesiad sy'n cael ei ddefnyddio. Os oes angen unrhyw addasiadau rhesymol arnoch i'n proses recriwtio, rhowch wybod i'r rheolwr recriwtio cyn gynted â phosibl.*

# 1) DYSGU A HUNANYMWYBYDDIAETH



| YMDDYGIADAU                                                                                                                                                                                                                                                                                                                                                                                                                                                                                                                     | CRYFDERAU                                                                                                                                                                                                                                                                                                                                                                                                              | GALLU                                                                                                                                                                                                                                                                                                                                                                                                                                                                                                                                                                                                                                                                                                                                             |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <ul style="list-style-type: none"><li>Dangos tystiolaeth o hunanymwybyddiaeth a'ch cryfderau personol.</li><li>Gwneud asesiad cywir a gwrthrychol o'ch perfformiad eich hun.</li><li>Agored i gael adborth a gweithredu arno i wella eich perfformiad.</li><li>Blaenoriaethu eich datblygiad eich hun, gan gydnabod yr angen am ddysgu parhaus gan weithredu fel model rôl wrth fynd ati i wneud hyn.</li><li>Dangos empathi wrth gydnabod emosiynau yn eich hun ac eraill yn gallu rheoli eich ymatebion yn briodol.</li></ul> | <p><b>Deallusrwydd Emosiynol</b><br/>Byddwch yn ennyn dealltwriaeth o'ch emosiynau eich hun ac emosiynau pobl eraill i ddangos empathi.</p> <p><b>Didwyll</b><br/>Rydych yn hunanymwybodol ac yn driw i'ch hun ym mhob sefyllfa, hyd yn oed dan bwysau.</p> <p><b>Dysgwr</b><br/>Rydych chi'n chwilfrydig, rydych chi'n chwilio am wybodaeth newydd ac yn chwilio am ffyrdd newydd o ddatblygu eich hun ac eraill.</p> | <ul style="list-style-type: none"><li>Yn gallu adnabod a dangos eich sgiliau, gwybodaeth ac ymddygiad i lywio cynllun datblygu sy'n nodi eich awydd diffuant i wella a thyfu'n barhaus.</li><li>Yn deall manteision eang rhoi a derbyn adborth a sut mae'n hyrwyddo'ch datblygiad personol a phroffesiynol chi eich hun ac eraill.</li><li>Yn credu eich bod yn myfyrio ar eich gwaith eich hun, yn chwilio am gyfleoedd dysgu newydd, gan annog adborth wrth ddiffinio a gweithredu i gau unrhyw fylchau neu anghenion datblygu.</li><li>Yn dangos eich bod yn gallu cael dealltwriaeth, yn gallu nodi cryfderau a bylchau mewn sgiliau a gwybodaeth gan gynnwys sut y gallai dysgu o'ch camgymeriadau wella perfformiad yn y dyfodol.</li></ul> |

#Hunanymwybyddiaeth #Gofyn am adborth #Ymwybyddiaeth emosiynol #Datblygu eraill

## 2) CYMHELLIANT A GWYDNRWCH



| YMDDYGIADAU                                                                                                                                                                                                                                                                                                                                                                                                                                                                                                                                | CRYFDERAU                                                                                                                                                                                                                                                                                                                                                                                                                                                                                    | GALLU                                                                                                                                                                                                                                                                                                                                                                                                                                                                                                                                                                                                                                                                                                                             |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <ul style="list-style-type: none"><li>Yn ddewr wrth wneud penderfyniadau ac yn osgoi dilyn y llwybr hawsaf.</li><li>Yn dangos parodrwydd i ymgymryd â chyfrifoldebau a heriau newydd ac yn annog eraill i wneud hynny.</li><li>Yn arfer hunanreolaeth, yn dangos agwedd gadarnhaol at broblemau a newid.</li><li>Yn defnyddio amrywiaeth o ddysgu, gan weithio gydag eraill i ddod o hyd i atebion ymarferol i heriau.</li><li>Yn gallu cadw ffocws yn wyneb newid, ond eto'n hyblyg i gynnwys blaenoriaethau wrth iddynt newid.</li></ul> | <p><b>Gwydn</b><br/>Nid ydych yn cynhyrfu'n hawdd, rydych yn dod dros siom yn gyflym ac yn dysgu ohono, gan ymdrechu i sicrhau canlyniadau o ansawdd a rhagoriaeth ym mhopeth a wnewch.</p> <p><b>Dewr</b><br/>Rydych chi'n arloeswr sy'n rhoi cynnig ar ddulliau gweithredu newydd ac yn gwrthwio eich hun i weithio y tu allan i'ch cylch cysurus.</p> <p><b>Pendant</b><br/>Rydych chi'n defnyddio eich crebwyl ac yn pwysu a mesur sefyllfaoedd a thasgau wrth wneud penderfyniadau.</p> | <ul style="list-style-type: none"><li>Yn dangos ffocws ar nodau cyffredinol ac nid tasgau penodol yn unig i gyflawni blaenoriaethau, gan gyflwyno ymddygiad cadarnhaol sy'n galluogi dod o hyd i atebion.</li><li>Yn deall sut i gadw ffocws drwy bennu pwy, a'r hyn sy'n ofynnol, gosod nodau clir tra'n asesu cynnydd yn barhaus.</li><li>Yn dangos y gallu i ymdopi â newid, yn gallu cymryd cam yn ôl a myfyrio ar effeithiau posibl.</li><li>Yn cymryd perchnogaeth o faterion a phroblemau er mwyn sicrhau canlyniad er gwaethaf anawsterau a / neu'n gallu gweld pryd mae angen uwchgyfeirio problemau.</li><li>Yn dangos hyder ac yn ddewr wrth wneud penderfyniadau anodd hyd yn oed os ydynt yn amhoblogaidd.</li></ul> |

#Trefn #Ffocws #Gwydnwch #Hyblygrwydd #Pwyl

# 3) HYRWYDDO ARLOESED D A CHYNALIADWYEDD



| YMDDYGIADAU                                                                                                                                                                                                                                                                                                                                                                                                                                                                                                                                                                                                                  | CRYFDERAU                                                                                                                                                                                                                                                                                                                                                                                                                                                                                                                                                                                                                                                                       | GALLU                                                                                                                                                                                                                                                                                                                                                                                                                                                                                                                                                                                                                                                                                                                                                                        |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <ul style="list-style-type: none"><li>• Yn agored i syniadau a chysyniadau, dulliau a thechnolegau newydd; yn gweld y cyfleoedd.</li><li>• Yn mynd ati i herio dulliau presennol a doethineb confensiynol, gan annog ffyrdd newydd o weithio.</li><li>• Yn hyrwyddo newidiadau a gwelliannau perthnasol, rhesymegol a seiliedig ar dystiolaeth.</li><li>• Yn dangos ystwythder meddyliol a hyblygrwydd wrth addasu i amgylchiadau newydd yn gyflym ac yn hyderus. Yn mwynhau rhoi cynnig ar fentrau newydd.</li><li>• Yn gwneud newidiadau priodol i gyflawni'r canlyniadau gofynnol gyda'r adnoddau sydd ar gael.</li></ul> | <p><b>Gwella</b><br/>Rydych chi'n chwilio am ffyrdd gwell o wneud pethau ac yn mwynhau meddwl am syniadau newydd a gwreiddiol. Yn mabwysiadu dull cadarnhaol o fynd i'r afael â phroblemau a dod o hyd i ffyrdd o ganfod atebion addas.</p> <p><b>Herio</b><br/>Gallwch ddod â safbwynt newydd beth bynnag fo'r sefyllfa neu'r cyd-destun. Rydych chi'n gweld barn pobl eraill ac yn gallu gwerthfawrogi bod llawer o wahanol agweddau i'w hystyried.</p> <p><b>Addasu</b><br/>Gallwch addasu i amrywiadau mewn gwaith neu amgylcheddau ac nid yw newid yn effeithio ar eich effeithiolrwydd. Rydych chi'n hyblyg ac yn amryddawn ac yn gweithredu fel eiriolwr dros newid.</p> | <ul style="list-style-type: none"><li>• Yn dangos dull cadarnhaol ac agored o ddeall newidiadau posibl, gan greu amgylchedd lle mae pobl yn teimlo eu bod yn gallu rhannu syniadau a chysyniadau newydd yn ddiogel er mwyn sicrhau newid sy'n gwella.</li><li>• Yn dangos awydd a safbwynt newydd i ganfod atebion drwy fod yn hyblyg, gan weithredu fel model rôl cadarnhaol i annog pobl i fabwysiadu ac addasu i newidiadau.</li><li>• Yn gallu herio ffyrdd presennol o wneud pethau'n adeiladol, gan ddefnyddio gwybodaeth berthnasol, resymegol a seiliedig ar dystiolaeth i ddatblygu syniadau ar gyfer gwella.</li><li>• Yn deall sut mae argymhellion ar gyfer ffyrdd newydd ac arloesol o wneud pethau yn cael effaith gadarnhaol ar wella gwasanaethau.</li></ul> |

#Arloesol #Cadarnhaol #Heriwr #Agored #Diwygiwr

# 4) ADEILADU CYDWEITHIO A PHARTNERIAETH

| YMDDYGIADAU                                                                                                                                                                                                                                                                                                                                                                                                                                                                                                                                                                                                                                                                                                                             | CRYFDERAU                                                                                                                                                                                                                                                                                                                                                                                                                                                                                                                                                                                                                                                                                                              | GALLU                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                             |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <ul style="list-style-type: none"> <li>Yn cyfathrebu'n agored, gan ddangos parodrwydd i rannu gwybodaeth, sydd yn ei dro yn meithrin hygrededd.</li> <li>Yn cychwyn cysylltiadau a pherthnasoedd, gan ddangos brwdfrydedd i gydweithio a chyfrannu gydag eraill.</li> <li>Yn croesawu amrywiaeth a chynwysoldeb, gan barchu gwahaniaethau, annog cyfraniad gan eraill a gwneud iddynt deimlo eu bod yn cael eu gwerthfawrogi.</li> <li>Yn rhwydweithio i adeiladu a meithrin cynghreiriau a phartneriaethau newydd, gan gydnabod y gwahanol agendâu ac annog ffyrdd newydd o feddwl a gweithio.</li> <li>Yn hynaws gan feithrin ymddiriedaeth a hyder wrth ddeall problemau pobl eraill gan gydweithio i ganfod ateb i bawb.</li> </ul> | <p><b>Meithrin Perthnasoedd</b><br/>Byddwch yn mynd ati'n rhagweithiol i greu a chynnal perthynas waith gadarnhaol a phroffesiynol gydag ystod eang o randdeiliaid, gan nodi cysylltiadau a dod â phobl at ei gilydd i ddatblygu parch ac ymddiriedaeth rhwng pawb.</p> <p><b>Cynhwysol</b><br/>Rydych chi'n gweld pawb fel unigolyn, ac yn derbyn pobl am bwy ydynt ac yn trin pawb yn deg. Yn annog a darparu cyfleoedd i eraill rannu syniadau a chyfrannu.</p> <p><b>Cyfryngwr</b><br/>Rydych chi'n darparu sefydlogrwydd a chydlyniant o fewn timau, gan ddod o hyd i dir a phwrrpas cyffredin drwy annog deialogau o fewn a rhwng timau. Rydych chi'n mwynhau cydweithio ag eraill i gyflawni nod cyffredin.</p> | <ul style="list-style-type: none"> <li>Yn deall pwysigrwydd gallu adnabod rhanddeiliaid, cydweithio ac ymgynghori â nhw, dangos diddordeb gwirioneddol wrth wrando, gwerthfawrogi syniadau, safbwyntiau a ffyrdd gwahanol o weithio.</li> <li>Mae'n dangos ei bod yn bwysig cyfathrebu'n glir ac yn gwyno mewn modd parchus tra'n gosod diben clir gan ystyried ystod amrywiol o fuddiannau.</li> <li>Yn cynnig cymorth, cyfryngu a mewnbwn i helpu i ddatblygu syniadau ac atebion sy'n helpu gyda chydweithredu a gweithio rhwng ystod eang o randdeiliaid ac sy'n rheoli gwrthdaro'n effeithiol.</li> <li>Yn cydnabod yr angen i fod yn gynhwysol ac yn deg, yn gallu addasu eich dull a'ch arddull eich hun i annog cyfraniadau a meithrin perthnasoedd.</li> <li>Yn credu bod ymgysylltu proffesiynol a chadarnhaol yn helpu i nodi cyfleoedd i gydweithio gan gynnwys rhannu gwybodaeth a dysgu.</li> </ul> |

# 5) DYLANWADU AC EFFAITH BERSONOL



| YMDDYGIADAU                                                                                                                                                                                                                                                                                                                                                                                                                                                                                                                                                                                                                                                                                                                                           | CRYFDERAU                                                                                                                                                                                                                                                                                                                                                                                                                                                                                                         | GALLU                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                               |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <ul style="list-style-type: none"><li>• Yn cyfathrebu'n rhagweithiol ac yn gadarnhaol â phobl mewn ffordd y gallant ei deall ac uniaethu â hi; yn defnyddio sianeli priodol ac yn defnyddio technoleg yn effeithiol.</li><li>• Yn gwrandao ar eraill i ddeall pryderon ac yn dangos empathi tuag atynt, gan ddangos gwerthfawrogiad o'r gwahaniaethau a all fodoli mewn gwerthoedd personol a sefydliadol.</li><li>• Yn llwyddo i greu argraff ar eraill a sicrhau eu hymrwymiad.</li><li>• Yn deall sut mae eraill yn eich gweld a ble a pham y gallai eraill deimlo eu bod yn cael eu herio gennych.</li><li>• Yn dangos cymysgedd effeithiol o sensitifrwydd a phenderfyniad wrth negodi, yn gweithio i ddatrys gwrthdaro pe bai'n codi.</li></ul> | <p><b>Dylanwadu</b><br/>Rydych chi'n dylanwadu ar eraill, yn cyfleu'r rhesymeg i sicrhau cydsyniad drwy gyfleu meddyliau a syniadau, ar lafar neu'n ysgrifenedig. Rydych chi'n symleiddio cymhlethdod ac yn addasu'r cyfathrebu fel y gall eraill ei ddeall.</p> <p><b>Negodi</b><br/>Rydych yn hwyluso trafodaethau adeiladol ac yn mwynhau sicrhau bod pob parti yn gytûn.</p> <p><b>Ysgogi</b><br/>Rydych chi'n uchelgeisiol iawn ac yn ysbrydoli eraill i symud pethau ymlaen a gwneud i bethau ddigwydd.</p> | <ul style="list-style-type: none"><li>• Yn dangos y gallu i gyfathrebu mewn modd clir, adeiladol, ystyriol a diddorol, gan fod yn gadarnhaol ac yn frwdfrydig ynghylch y gwaith sy'n annog eraill i wneud yr un fath.</li><li>• Yn gallu adnabod eich emosiynau eich hun a rhai pobl eraill, yn gallu nodi gwahanol grwpiau rhanddeiliaid ac addasu iddynt, gan arwain meddylfryd ac ymddygiad, a chymryd yr amser i ystyried y dulliau gorau o gyfathrebu.</li><li>• Yn dangos y gallu i wahodd her a chynnwys pobl eraill yn y broses o wneud penderfyniadau er mwyn helpu i feithrin ymgysylltiad ac ymddiriedaeth, gan gyflwyno argymhellion cadarn, a negodi i ddod i gytundebau sy'n addas ar gyfer pob parti.</li><li>• Yn grymuso unigolion i wneud yr hyn sydd orau yn eu barn nhw tra'n cymryd cyfrifoldeb am eu gweithredoedd eu hunain a gweithredoedd y tim.</li></ul> |

#Cyfathrebu #Dylanwadu #Adeiladol #Negodi #Craff

## 6) ARWEINYDDIAETH GYFUNOL A THOSTURIOL



| YMDDYGIADAU                                                                                                                                                                                                                                                                                                                                                                                                                                                                                                                                                                                                                                                           | CRYFDERAU                                                                                                                                                                                                                                                                                                                                                                                                                                                                                                                                                                                    | GALLU                                                                                                                                                                                                                                                                                                                                                                                                                                                                                                                                                                                                                                                                                                                                                                                                                   |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <ul style="list-style-type: none"><li>Yn creu amgylchedd gwaith cadarnhaol gan ddangos ymddiriedaeth a grymuso eraill i weithredu o'u pen a'u pastwn eu hunain ac ysgwyddo cyfrifoldeb.</li><li>Yn ceisio deall cymhellion pobl eraill, gan neilltuo amser i gefnogi a hyfforddi eraill, rhoi adborth clir a gonest, gwybod pryd i gefnogi a phryd i gamu'n ôl.</li><li>Yn mynd i'r afael â pherfformiad gwael yn brydlon, yn gadarn ac yn adeiladol, gan drin camgymeriadau fel cyfleoedd dysgu.</li><li>Yn dathlu llwyddiant ac yn creu disgwyliadau cadarnhaol o'r hyn y gall unigolion a grwpiau ei gyflawni – yn gwella hunangred a moral pobl eraill.</li></ul> | <p><b>Galluogi</b><br/>Rydych chi'n gweld potensial pawb ac yn eu hannog i ddysgu, tyfu a datblygu.</p> <p><b>Gwaith tîm</b><br/>Rydych chi'n gweithio'n dda fel rhan o dîm a gallwch reoli deinameg tîm yn effeithiol er mwyn cyflawni nod cyffredin. Rydych chi'n ystyried anghenion unigol pawb ac yn creu ysbryd tîm go iawn.</p> <p><b>Model Rôl</b><br/>Rydych chi'n gosod esiampl gadarnhaol, gan ymgorffori gwerthoedd GIG Cymru drwy fod yn dosturiol drwy drafodaethau didwyll a chynhwysol, gan werthfawrogi safbwynt pawb er mwyn deall cyn ymateb neu wneud penderfyniadau.</p> | <ul style="list-style-type: none"><li>Yn dangos gwybodaeth eang am wahanol arddulliau arwain gan ddeall eu perthynas â chynyddu grymusedd ac ymddiriedaeth.</li><li>Yn deall sut y gall gweithio mewn tîm greu amgylchedd gwaith cadarnhaol, cefnogi cyd-gynhyrchu, annog newid a hybu cydweithredu â thimau a rhyngddynt er mwyn sicrhau canlyniadau. Mae hyn yn cynnwys rhannu arferion gorau a'r gwersi a ddysgwyd.</li><li>Yn dangos gwybodaeth ac ymwybyddiaeth o werthoedd sefydliadol, gan geisio bod yn fodel rôl i eraill a gallu mynegi cysylltiadau ag ymddygiadau personol.</li><li>Yn ceisio deall cymhellion pobl eraill, gan helpu i gefnogi a llywio'r broses o wneud penderfyniadau i annog gallu tîm ac nid gallu unigol yn unig i wireddu'r datblygiad a'r cynnydd posibl mewn pobl/timau.</li></ul> |

#Tosturiol #Gwerthoedd yn eich gyrru #Grymuso #Cydgyhyrchu #Model rôl

# 7) CYFEIRIADEDD STRATEGOL



| YMDDYGIADAU                                                                                                                                                                                                                                                                                                                                                                                                                                                                                                                                                                                                                                                                                    | CRYFDERAU                                                                                                                                                                                                                                                                                                                                                                                                                                                          | GALLU                                                                                                                                                                                                                                                                                                                                                                                                                                                                                                                                                                                                                                                                                                                                                                                               |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <ul style="list-style-type: none"><li>Yn meddwl yn strategol ac yn mabwysiadu safbwyntiau eang.</li><li>Yn defnyddio gallu dadansoddol cryf i ystyried a gwerthuso effeithiau posibl ffactorau amrywiol e.e. cymdeithasol, amgylcheddol, gwleidyddol ac economaidd.</li><li>Yn sganio'r gorwel am ddatblygiadau e.e. mewn technoleg, gwyddoniaeth ac ymchwil a allai arwain at oblygiadau ac effaith ar wasanaethau.</li><li>Yn creu gweledigaeth gadarnhaol gydag eraill ac yn ei throsi yn gamau a nodau ymarferol.</li><li>Yn ymgorffori amgylchiadau sy'n newid o fewn y weledigaeth mewn ffordd gytbwys, heb fod yn rhy anhyblyg nac yn rhy hyblyg nes colli'ch ffordd chwaith.</li></ul> | <p><b>Gweledigaeth</b><br/>Rydych chi'n creu ac yn rhannu gweledigaeth glir o'r dyfodol ac yn gallu ei chyfleu'n glir ac yn gryno i ystod eang o randdeiliaid.</p> <p><b>Strategol</b><br/>Rydych chi'n edrych ar y darlun mawr ac yn ystyried ffactorau ehangach a goblygiadau hirdymor penderfyniadau.</p> <p><b>Dadansoddol</b><br/>Rydych chi'n ceisio ac yn dadansoddi gwybodaeth i lywio penderfyniadau yn seiliedig ar y dystiolaeth orau sydd ar gael.</p> | <ul style="list-style-type: none"><li>Yn dangos dealltwriaeth eang o sut y gall strategaethau greu gwerth a sut y gall hyn gefnogi ac effeithio ar amcanion ehangach. Yn dangos bod gennych ddealltwriaeth eang o wasanaethau cyhoeddus, eich bod yn awyddus i wybod mwy a chael y wybodaeth ddiweddaraf a bod yn effro i faterion a thueddiadau sy'n dod i'r amlwg a allai effeithio ar eich gwaith.</li><li>Yn dangos diddordeb brwd mewn chwilio am brofiadau a'u rhannu i ddatblygu gwybodaeth mewn meysydd sy'n gysylltiedig â'ch Gwaith.</li><li>Yn dangos ymwybyddiaeth o bwysau allanol, ac unrhyw risgiau perthnasol, gan eu rheoli'n briodol wrth wneud penderfyniadau.</li><li>Yn dangos brwdfrydedd ynghylch nodau strategol, gan fabwysiadu ymagwedd gadarnhaol atynt i gyd.</li></ul> |

#Ymchwiliwr #Dadansoddwr #Crëwr #Cynlluniwr #Arloeswr